



Broj: 09-20-11-2-314

Dana: 21.03.2023. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 i 59/22), i preporuke Komisije za provođenje otvorenih postupaka nabavke u 2023. godini, zamjenik direktora Federalne uprave policije d o n o s i :

ODLUKU

o izboru najpovoljnijeg ponuđača u postupku Javne nabavke tonera i ketridža za uređaje pod garancijom

1. Dodjeljuje se Ugovor ponuđaču „Defter“ d.o.o. Sarajevo za javnu nabavku tonera i ketridža za uređaje pod garancijom prema ponudi broj: 10-03-1/23 od 10.03.2023. godine, (zaprimljena 10.03.2023.godine) nakon provedene e-aukcije i Izvještaja o toku i završetku e-Aukcije broj: 1412-1-1-28/23 od 17.03.2023. godine sa ukupnom cijenom od 15.790,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20-11-2-314 od 07.02.2023.godine.
4. Ova odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama (“Službeni glasnik BiH”, broj: 39/14 i 59/22).
5. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Federalna uprava policije je provela otvoreni postupak javne nabavke tonera i ketridža za uređaje pod garancijom po Obavještenju o javnoj nabavci broj:1412-1-1-28-3-28/23, objavljeno u Službenom glasniku BiH broj: 12/23 od 24.02.2023.godine.

Komisija za provođenje otvorenih postupaka nabavki za 2023. godinu, imenovana Rješenjem zamjenika direktora Federalne uprave policije broj:09-19/1-30-2-26 od 04.01.2023. godine je utvrdila da su u predviđenom roku za dostavljanje ponuda pristigle ponude niže navedenih ponuđača:

- “C-Servis” doo Sarajevo sa ukupnom cijenom od 21.990,00 KM bez PDV-a,

- "Univerzalno" doo Sarajevo sa ukupnom cijenom od 21.381,00 KM bez PDV-a,
- "Max trgovine" doo Zenica sa ukupnom cijenom od 21.987,00 KM bez PDV-a,
- "Elkom" doo Vitez sa ukupnom cijenom od 21.986,40 KM bez PDV-a,
- "Alf-om" doo Banja Luka sa ukupnom cijenom od 21.881,00 KM bez PDV-a,
- "Defter" doo Sarajevo sa ukupnom cijenom od 21.014,70 KM bez PDV-a,

što je konstatovano u Zapisniku sa otvaranja ponuda od 10.03.2023.godine u koji su uneseni svi elementi predviđeni članom 63. stav 4. i 5. Zakona o javnim nabavkama BiH.

Nakon pregleda i ocijene ponuda, Komisija je utvrdila da ponuđač "Univerzalno" d.o.o. Sarajevo uz svoju ponudu nije dostavio popunjenu i potpisanu Izjavu o garanciji za uredno izvršenje ugovora u skladu sa tačkom 29. TD, kao i da isti ponuđač uz svoju ponudu nije dostavio CD kako je to traženo tačkom 14. TD, iz kojeg razloga je ista oglašena nepravilnom i neprihvatljivom za ugovorni organ, zbog čega je ponuđač "Univerzalno" d.o.o. Sarajevo isključen iz dalje kvalifikacije. Nadalje je Komisija utvrdila da ponuđač "Max trgovine" d.o.o. Zenica uz svoju ponudu nije dostavio popunjenu i potpisanu Izjavu o garanciji za uredno izvršenje ugovora kako je to traženo tačkom 29. TD, iz kojeg razloga je ista oglašena nepravilnom i neprihvatljivom za ugovorni organ, zbog čega je ponuđač "Max trgovine" d.o.o. Zenica isključen iz dalje kvalifikacije.

U skladu sa uslovima propisanim tenderskom dokumentacijom, dana 17.03.2023.godine održana je e-Aukcija za Javnu nabavku tonera i ketridža za uređaje pod garancijom o čemu je sačinjen Izvještaj o toku i završetku e-aukcije broj: 1412-1-1-28/23 od 17.03.2023. godine iz kojeg je vidljivo da je najniža ukupna cijena ponuđača „Defter“ d.o.o. Sarajevo u iznosu od 15.790,00 KM bez PDV-a.

Komisija je vodeći se uslovima propisanim TD i prema kriteriju najniža ukupna cijena tehnički zadovoljavajuće ponude konstatovala da je ponuda ponuđača „Defter“ d.o.o. Sarajevo, prihvatljiva, te je shodno članu 70., Zakona o javnim nabavkama Bosne i Hercegovine, predložila donošenje Odluke o izboru ponuđača za navedeno pravno lice, što je konstatovala u Zapisniku o pregledu i ocjeni ponuda od 14.03. i 21.03.2023. godine.

Razmatrajući prijedlog Komisije zamjenik direktora donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**ZAMJENIK DIREKTORA
GENERALNI INSPEKTOR POLICIJE**

Ensad Korman



Dostaviti:

- Sektor za mat. fin. poslove
- ponuđačima
- u spis